

Ն. Հ. Հովհաննիսյան

ԻՐԱՔԻ ԱԶԳԱՅԻՆ-ԱԶԱՏԱԳՐԱԿԱՆ ՇԱՐԺՄԱՆ ՄԻ ՔԱՆԻ ՀԱՐՑԵՐԸ
ԲՈՒՐԺՈՒԱԿԱՆ ՊԱՏՄԱԳՐՈՒԹՅԱՆ ՄԵԶ

Իրաքի հետպատերազմյան շրջանի պատմության հիմնական բովանդակությունը պայքարն է օտարերկրյա իմպերիալիզմի և ներքին ռեակցիոն ֆեոդալական-թագավորական կլիկի դեմ՝ հանուն երկրի իսկական անկախության և ղեմավարական բարեփոխումների: Այդ պայքարում միավորվել էին Իրաքի աշխատավորական լայն զանգվածները — բանվորները, ղյուղացիները և առաջադեմ մտավորականությունը, ինչպես նաև ազդային (հակաիմպերիալիստական) բուրժուազիան:

Երկրորդ համաշխարհային պատերազմից հետո ազդային-ազատագրական պայքարը, ինչպես արարական մյուս երկրներում, այնպես էլ Իրաքում, նոր թափ է ստանում և մոռնում իր զարգացման նոր փուլը: Դա հետևանք էր մի կողմից, սոցիալիզմի համաշխարհային սխտեմի ստեղծման, որը հանդիսանում է դադաթափության դեմ պայքարող ուժերի բնական զաշնակիցը, իսկ մյուս կողմից՝ ներքին ընդդիմադիր ուժերի աճման ու հետագա կոնսոլիդացման:

Այս շրջանում Իրաքում ծավալված ազդային-ազատագրական պայքարը հանդեգրեց 1958 թ. հուլիսի 14-ի հեղափոխությունը, որը տապալեց միապետությունը և Իրաքը հռչակեց հանրապետություն: Դա մի ծանր հարված էր դադաթափությանը և իմպերիալիստական ուժերին:

Բնական է, որ պատմաբանները՝ թե՛ սովետական, թե՛ արաբական և թե՛ արևմտյան, մեծ հետաքրքրություն են հանդես բերել Իրաքի հետպատերազմյան շրջանի կարևոր պրոբլեմների լուսարանման նկատմամբ: Գրվել են բազմաթիվ մենագրություններ և աշխատություններ՝ նվիրված Իրաքի սոցիալ-տնտեսական և քաղաքական վիճակին, պատմական կարևոր իրադարձություններին և այլն:

Մեր խնդիրը չէ անդրադառնալ այդ բոլոր հեղինակներին ու նրանց ուսումնասիրություններին: Սույն հոդվածի նպատակն է քննարկման ենթարկել Իրաքի հետպատերազմյան շրջանի ազդային-ազատագրական շարժումներին նվիրված արևմտյան և հատկապես ամերիկական ու ամերիկյան մի շարք պատմաբանների, ինչպես նաև տնտեսագետների, ուսումնասիրությունները, մեկնադրել նրանցում տեղ գտած սխալ մեկնաբանություններն ու փաստերի նենգափոխումը և ցույց տալ ժամանակակից բուրժուական պատմագրության սնանկությունը ղեմավարական շարժումների և աշխատավորական զանգվածների հեղափոխական ելույթների լուսարանման, և առավել ևս, պնդումն ու պործումը:

Ինչպես ցույց է տալիս Իրաքի հետպատերազմյան պատմությունը նվիրված բուրժուական հեղինակների աշխատությունների ուսումնասիրությունը,

այդ հեղինակները հարցերին միանման մոտեցում հանդես չեն բերում: Նրանցից ոմանք միտումնավոր կերպով, միանգամայն գիտակցաբար կեղծում են փաստերը, գովարանում իմպերիալիզմի կատարած գերը իրաքում՝ լուսթյան մատենելով աշխատավորական զանգվածների և հատկապես բանվոր դասակարգի ու նրա մարքս-լենինյան պարտիայի պայքարը իմպերիալիզմի ու ներքին ռեակցիոն ուժերի դեմ և այլն:

Իսկ բուրժուական պատմաբանների մի խումբ ձգտում է քիչ թե շատ օրյեկտիվորեն լուսարանել հարցերը, խորամուկս լինել պրոլետների մեջ, թեև այդ բանը նրանց չի հաջողվում՝ ոչ գիտական աշխարհայացքի և հակադիտական կոնցեպցիաների պատճառով: Դրա հետևանքով, թե՛ առաջին և թե՛ երկրորդ խմբին պատկանող հեղինակները սխալ կերպով են լուսարանում փաստերը և խեղաթյուրում ազգային-ազատագրական շարժումն պատկերը:

Կանգ առնենք իրաքի հեղափոխության շրջանի ազգային-ազատագրական շարժման մի քանի կարևոր հարցերի վրա, որոնք սխալ ու խեղաթյուրված լուսարանում են գտել անգլիական և ամերիկյան մի շարք պատմաբանների ու տնտեսագետների աշխատություններում:

Ինչպես Ասիայի մյուս երկրներում, այնպես էլ իրաքում, ազգային-ազատագրական շարժումներն իրենց սուր ծայրով ուղղված են օտարերկրյա իմպերիալիզմի դեմ: Իրաքի բոլոր առաջադեմ ուժերը երկրի իսկական անկախության նվաճման, էկոնոմիկայի զարգացման, աշխատավորների վիճակի բարելավման և դեմոկրատական ռեֆորմների անցկացման հարցերն իրավացիորեն կապում էին հակաիմպերիալիստական պայքարի, օտարերկրյա կապիտալի տիրապետությունից ազատագրվելու հետ:

«Չազատագրված ժողովուրդները,—գրում է Խաբար պրոգրեսիվ գործիչ Ալի Կալ-Հաջը,—իրենց գլխավոր հարվածներն ուղղում են իմպերիալիզմի դեմ, որպես իրենց վերածնունդի և առաջադիմության գլխավոր և ամենաուժեղ արգելքի»¹:

Իրաքում տիրապետող էր հանդիսանում բրիտանական իմպերիալիզմը: Սակայն անգլիական կապիտալի հետ միասին երկրի ազգային հարստությունը թալանում էր ամերիկյան, ֆրանսիական և հոլանդական կապիտալը: Իրաքում իմպերիալիզմի տեղի և դերի հարցի միջոց պարզաբանումը ունի գիտական կարևոր նշանակություն:

Իսկ ինչպես է ազգային-ազատագրական շարժման այդ կարևոր հարցը լուսարանվում բուրժուական հեղինակների աշխատություններում:

Պետք է նշել, որ նրանց մեծ մասը բավական հանգամանորեն նկարագրում է իրաքի տնտեսական հետամնաց վիճակը, կյանքի ծանր պայմանները, աշխատավորական մասսաների նյութական վատթար դրությունը և այլն: Իրաքի տնտեսական հետամնացությունը և աշխատավորների թշվառ վիճակը մի այնպիսի փաստ է, որ ընդհանրապես բուրժուական պատմաբաններն ու տնտեսագետներն ի վիճակի չեն ժխտելու: Սակայն, փորձելով բացատրել դրա պատճառները, նրանք հարցին մոտենում են միակողմանիորեն, ձգտում են ամբողջ մեղքը զցել, այսպես կոչված, ներքին պատճառների, կառավարման սխալների և նույնիսկ առանձին պետական գործիչների վրա, լուսթյան մատենելով իմպերիալիզմի տիրապետության փաստն իսկ: Այսպես, օրինակ, անգլիա-

կան տնտեսագետ Դ. Ուորինները իր «Աղբարային ունիորմները Մերձավոր և միջին արևելքի երկրներում» աշխատության մեջ նշում է, որ Իրաքի «ազդարնակչությունը մեծ չէ և ապրում է աղքատության մեջ, որովհետև Իրաքի բնակիչներն անցյալում չեն կարողացել տիրապետել բնությանը, իսկ բնական պայմանները հնարավոր չի եղել դնել մարդու հսկողության տակ, որովհետև կապիտալը չէր բավականացնում»²։ Սա միամիտ բացատրություն է։ Սոցիալական կարևոր կնճիռները նա փորձում է բացատրել աշխարհագրական գործոններով։ Դեռ ավելին, նա լրիվ անտեսում է օտարերկրյա և հատկապես անգլիական կապիտալի տիրապետությունը։ Ինչու և Իրաքում չկային կապիտալներ, մի՞թե Իրաքն աղքատ էր բնական հարստություններով և չունեի անհրաժեշտ ուսուրսներ իր տնտեսությունը զարգացնելու և բնակչության կենսամակարդակը բարձրացնելու համար։ Իհարկե, ոչ։ Հարցի ամբողջ էությունը կայանում է նրանում, որ Իրաքի բոլոր կարևոր ուսուրսները և գլխավոր ազդային հարստությունը՝ նավթը գտնվում էին օտարերկրյա կապիտալիստների ձեռքում, որոնք և ստանում էին եկամուտների առյուծի բաժինը։ Իրաքը զրկված էր ալդեկամուտներն իր տնտեսության զարգացման վրա ծախսելու հնարավորությունից։ Բացի այդ, բրիտանական իմպերիալիզմն իր տիրապետության, համարյա 40 տարիների, ընթացքում ստեղծել էր կառավարական այնպիսի ուժիմ, որը, ինչպես նշված է «Իրաքի ուսուրսիկան» գրքում, վարում էր մի ահավոր քաղաքականություն՝ ուղղակի վնասակար ժողովրդի շահերին և նպաստավոր իմպերիալիզմի շահերին³։ Այս է իրողությունը, որն իր գրքում Դ. Ուորինները պանց է առել։

Հարցին նման մոտեցում է հանդես բերում նաև Դ. Աղամսը։ Վերջինս իր «Իրաքի ժողովուրդը և ուսուրսները» վերնագրով աշխատության մեջ քննություն առնելով Իրաքի տնտեսական հետամնացության հարցը, որպես պատճառ նշում է այն հանգամանքը, որ Իրաքում կապիտալ ներդրումների համար նորմալ պայմաններ չկան, որ եկամուտների չափազանց ցածր տոկոսները չեն հրապուրում նրանց, ովքեր ունեն զրամական կուտակումներ, իսկ հասարակ մարդիկ, որոնք ծանոթ չեն բանկային սխտեմին և անվստահությամբ են վերաբերվում կառավարությանը, գերադասում են իրենց զրամը պահել թանկարժեք մետաղների՝ ոսկու և արծաթի ձևով։ Իրաքում, իսկապես, ազդային կապիտալի համար նպաստավոր պայմաններ չկային տնտեսության զանազան ճյուղերում ներդնելու համար։ Այդ հարցում Դ. Աղամսը ճիշտ է։ Սակայն նա չի բացել և կամ թերևս չի ցանկացել բացել փակաղծերը և ցույց տալ իսկական պատճառները։ Նա փորձում է հարցը խճողել, առաջ քաշելով Իրաքում բանկային սխտեմի հետ անծանոթ լինելու հարցը։ Բա, անշուշտ, որոշ չափով իր դերը խաղացել է։ Սակայն գլխավոր պատճառը այդ չէ։ Իրաքի ազդային կապիտալի համար ներդրման ոլորտ չգտնելու գլխավոր պատճառն այն էր, որ Իրաքի էկոնոմիկայում և շուկայում անբաժան կերպով տիրապետում էր օտարերկրյա կապիտալը։ Իրաքի տնտեսագետ ու քաղաքական գործիչ Ալի Զարբան իր «Իրաքի ազդային տնտեսությունը» աշխատության մեջ միանգա-

² Д. Уоринер, Земельные реформы в странах Ближнего и Среднего Востока (Египет, Сирия, Ирак), пер. с английского, Изд. ин. лит., М., 1958, стр. 175 (այսուհետև Д. Уоринер...).

³ „The republic of Iraq“, Baghdad, 1958, p. 6.

⁴ D. Adams, Iraq's People and Resources, Los Angeles, 1958, p. 122.

մաքն ձիշտ կերպով նշում է, որ մոնոպոլիստական պետությունները և միություններն արգելակում էին Իրաքի տնտեսության և առևտրի զարգացմանը, նրա համար փակում էին մուտքը համաշխարհային շուկաները և թելադրում գները՝ Իրաքի ազգային կապիտալը չէր կարող մրցել օտարերկրյա կապիտալի հետ, մանավանդ, որ նա չէր վայելում իր կառավարությանն պաշտպանությունն ու աջակցությունը: Ուստի բնական է, որ իրաքցի մեծահարուստների մի մասը խուսափում էր իր զրամական կարողությունը ներդնել արդյունաբերական գործառնության ոլորտը: Սրանում է կայանում ճշմարտությունը:

Ոխալ «տեսակետ» է պաշտպանում նաև Հարվարդի համալսարանի պրոֆեսոր Ռ. Էմերսոնը: Նա նշում է, որ երկրում ռեֆորմների իրականացմանը խանգարում էին տիրապետող խմբերը, որոնք ձգտում էին հավերժացնել իրենց իշխանությունը: Որ այդ խմբերը ռեֆորմների հանդեպ այդպիսի դիրք էին զրավել, դա անհերքելի փաստ է: Սակայն ճշմարիտ է նաև այն, որ այդ կառավարող խմբերը վայելում էին օտարերկրյա իմպերիալիստների լրիվ աջակցությունը, հենվում էին նրանց վրա և հնազանդ կերպով կատարում նրանց ցանկությունները: Իրաքում, ինչպես նաև արաբական մյուս երկրներում, դեմոկրատական բարեփոխումներ կիրառելու անհնարինության համար մեղավոր էին թե՛ իմպերիալիստները և թե՛ տվյալ երկրի տիրապետող ռեակցիոն շրջանները:

Ինչպես տեսնում ենք, բուրժուական հեղինակները անտեսում են այն կապը, որ կար Իրաքի տնտեսական հետամնացության ու դեմոկրատական ազատությունների բացակայության և իմպերիալիզմի միջև: Իմպերիալիզմի դերի անտեսումը հանդիսանում է ժամանակակից բուրժուական պատմագրության ամենախոցելի կողմերից մեկը:

Էլ չենք խոսում այն մասին, որ վերոհիշյալ, ինչպես նաև մի շարք այլ հեղինակների աշխատություններում ոչ մի խոսք չկա իմպերիալիզմի դեմ մղվող պայքարի մասին: Թերթում հա այդ աշխատությունները և չես հանդիպում թեկուզ մեկ փաստի, մեկ ժողովրդակամ ելույթի՝ ուղղված օտարերկրյա իմպերիալիզմի դեմ, թեև Իրաքի հետպատերազմյան շրջանի պատմությունը չափազանց հարուստ է այդպիսի փաստերով: Եվ դա պատահականություն չէ: Նրանց այդպես է թելադրում վարվել իմպերիալիզմի դերի վերաբերյալ իրենց կոնցեպցիան:

Եթե բուրժուական հեղինակների այս խումբը անտեսում և «մոռացության» է մատնում իմպերիալիզմի դերը Իրաքի սոցիալ-տնտեսական, բաղադրական և ազգային-ազատագրական շարժումների հարցերը քննարկելիս, ապա մյուս խումբը՝ ուղղակի պաշտպանում է իմպերիալիզմի բաղադրականությունն ու գործունեությունը Իրաքում: Նրանք իմպերիալիզմին, օտարերկրյա կապիտալին և մոնոպոլիստական միություններին վերագրում են «մարդասիրական» առաքելություն, որ, իբր, նրանց նպատակն է օժանդակել և նպաստել Իրաքի տնտեսական զարգացմանը, և որ Իրաքը բարգավաճման կարող է հասնել միայն օտարերկրյա կապիտալի օգնությամբ: Այլ կերպ ասած, նրանք հանդես են գալիս իմպերիալիզմի բացահայտ ջառագովների դերում: Մագոմով արաբ, ամերիկյան պատմաբան Խ. Տոտան իր «Դինամիտը Միջին Արևելքում» գրքում

* А. и Зарка, Национальная экономика Ирака, см. ЦГАОР, СССР, ф. 4459, оп. 2, ед. хр. 1190, л. 13.

* R. Emerson, From Empire to Nation, Cambridge, 1960, p. 265.

քննարկելով Իրաքի տնտեսական վիճակը և գտնելով, որ այն վերին աստիճանի ծանր է, գտնում է, որ Իրաքի վիճակը կփոխվեր և նա կդառնար Տեխաս կամ Կալիֆորնիա, եթե «յանկիները իրենց ձեռքերը գնեին նրա վրա»⁷։ Մի շարք հրատարակություններում ուղղակի նշվում է, որ Իրաքը արագ և լայն մասշտաբի ինդուստրացման ոչ մի պատճառ չունի⁸։ Նկատենք, որ սա ասվում է մի երկրի մասին, որի աղգարնակչության 80%-ը զբաղված է գյուղատնտեսության մեջ և որը չունի ժամանակակից ինդուստրիալ արդյունաբերության և ոչ մի ճյուղ։ Նման տեսակետներ արտահայտողների նպատակն է թույլ չտալ, որ Իրաքը ագրարայինից վերածվի ինդուստրիալ երկրի, որովհետև դա իր հետևից անխուսափելիորեն կհանգեցնե՛ր այն բանին, որ Իրաքը կգազարներ իմպերիալիստական պետությունների հումքային կցորդ լինելուց, և Անգլիան, ԱՄՆ-ը ու մյուս երկրները կվերկենին այդ կարևոր շուկայից։ Այդ նույն նպատակն էր հետապնդում նաև ԱՄՆ-ի պետական ղեկարարամենտի կողմից հրատարակված «Իրաք» գրքույկը⁹։ Կեղծ լույսի տակ ներկայացնելով փաստերը, նրա հեղինակները Իրաքի էկոնոմիկայում ամերիկյան կապիտալի դիրքերի ուժեղացումը դիտում են որպես տնտեսական օգնություն Իրաքին։

Իսկ Բոստոնի համալսարանի պրոֆեսոր Վիլյամ Նլը հակառակ պատմական իրողությանը և ակնհայտ փաստերին նշում է, թե Միացյալ Նահանգները համակրում են նացիոնալիզմը և պաշտպանում արար ռադիկալների ձգտումը՝ բարձրացնելու ժողովրդի կենսամակարդակը և ռեֆորմներ կիրառել գյուղատնտեսության ու արդյունաբերության բնագավառում¹⁰։

Օտարերկրյա իմպերիալիզմի դերի գովերգումը ամենացատուն կերպով երևում է Կալիֆորնիայի համալսարանի պրոֆեսոր Զ. Լենցովսկու «Նավթը և դրությունը Միջին Արևելքում» աշխատության մեջ։ Հեղինակը կանգ առնելով Իրաքում և արաբական մյուս երկրներում գործող օտարերկրյա նավթային ընկերությունների գործունեության վրա, ուղղակի նշում է, որ նրանց գործունեությունից արաբական երկրները շահում էին։ Նրանք, նշում է Լենցովսկին, շահում էին թե՛ ֆինանսապես և թե՛ նրանով, որ այդ ընկերություններն օգտագործում էին տեղական աշխատուժը և աշխատանք ապահովում տեղական աղգարնակչության համար¹¹։ Այսպիսի գնահատական տալով օտարերկրյա մոնոպոլիստական ընկերությունների գործունեությանը, Լենցովսկին կեղծում է իրականությունը։ Ծճմարտությունը կայանում է նրանում, որ իմպերիալիստները բացահայտորեն թալանում էին Իրաքի այդ կարևոր հարստությունը։ Բավական է նշել, որ մինչև 1952 թ. պայմանագիրը Իրաքը յուրաքանչյուր տոննա նավթի դիմաց ստանում էր մի ողորմելի գումար՝ 4 շիլլինգ, իսկ նավթային ընկերությունները՝ մոտ 10 դոլլար։ 1952 թ. համաձայնագրով, որը կնքվեց աղգարնակչության շարժման ճնշման ներքո (ի դեպ այդ հարցին Լենցովսկին իր աշխատության մեջ հարկ չի համարել անդրադառնալու), սահմանվեց շահույթների բաժանման 50/50-ի սկզբունքը։ «Իրաք պետությունում»-ի

⁷ Kh. Totah, *Dynamite in the Middle East*, New York, 1955, p. 85.

⁸ «The Middle East, A Survey and Directory of the Countries of the Middle East», London, 1961, p. 128.

⁹ «Iraq, Public Services Division, Department of State», Washington, 1957.

¹⁰ W. Yale, *The Near East. A Modern History*, University of Michigan Press, 1958, p. 431.

¹¹ G. Lenczowski, *Oil and State in the Middle East*, New York, 1960, p. 40.

գլխավոր դիրեկտոր Գիբսոնը, որը ղեկավարում էր անգլիական պատվիրակությունը, հայտարարեց, որ, Իրաքի հետ կնքած պայմանագիրը անշուշտ շահավետ է Անգլիային: Նա միաժամանակ ավելացրեց, որ եթե Իրաքում չլինեին անգլիական զորքեր, ապա այդ համաձայնագիրը կնքել անհնարին կլինեի: Այստեղ տեղին է հիշել Իրաքի արդարադատության նախկին մինիստր Սեիդ Ալի Մահմուդ ալ-Շեյխ Ալիի հայտարարությունն այդ համաձայնագրի մասին. «Համաձայնագրի ֆրագնները,—ասում է նա,—կազմված էին ճարպկորեն, քանի որ դրանք մարդկանց ստիպում էին կարծել, թե Իրաքի բաժինը կազմում է նավթային ընկերությունների շահույթների 50 տոկոսը, մինչդեռ իրականում այդպես չէր»¹²:

1958 թ. հուլիսի 14-ի հեղափոխությունից հետո հրատարակված որոշ նյութեր պարզ դարձրին նավթային ընկերությունների ստացած իրական շահույթները: Ինչպես նշեց Իրաքի հանրապետության ֆինանսների նախկին մինիստր Մուհամեդ Հադիդը, Իրաքը այդ ընկերությունների զանազան մեքենայությունների հետևանքով ստացել է շահույթների ոչ թե 50, այլ 30—35 տոկոսը:

Անհերքելի փաստերը գալիս են ապացուցելու, որ Իրաքը նավթային ընկերությունների գործունեությունից չէր շահում, այլ, ընդհակառակը, վերջիններս ուղղակի կողոպտում էին նրան: Եվ պատահական չէր, որ այդ համաձայնագրի կնքման դեմ Իրաքում եղան բազմաթիվ ցույցեր և ելույթներ: Երկրի ընդդիմադիր ուժերը պահանջում էին Իրաքում գործող բոլոր օտարերկրյա մոնոպոլիստական ընկերությունների ազգայնացում: Իր աշխատության մեջ անհրաժեշտություն չգտնելով տեղ հատկացնել այդ հարցին, Լենցովսկին, սակայն, հարկ է համարել բանավեճի մեջ մտնել արար այն հեղինակների հետ, որոնք հանդես են գալիս իմպերիալիզմի և օտարերկրյա մոնոպոլիստական միությունների տիրապետության դեմ: Նա գտնում է, որ արաբական երկրներում լույս տեսած գրքերից շատ քչերը իրենց օբյեկտիվությամբ ու ճշտությամբ կարող են համեմատվել արևմտյան հեղինակների աշխատությունների հետ¹³: Նա այդպիսի եզրակացության է հանգում այն պատճառով, որ «նավթի վերաբերյալ արաբական գրքերը ունեն խիստ ազգայնական գունավորում»¹⁴: Լենցովսկուն դուր չի գալիս այն հանգամանքը, որ արաբ հեղինակները՝ Յուսուֆ Խաթար Հիլուն, Յուսուֆ Իրրահիմ Յուզբեկը, Ազիլ Հուսեյնը, Ռաշիդ ալ-Բարավիյն և մյուսները, իրենց գրքերում մերկացնում են իմպերիալիստական տերությունների քաղաքականությունը և պահանջում կոնֆիսկացնել կամ ազգայնացնել նավթային ընկերությունները: Ահա թե ինչու Լենցովսկին այդ հեղինակների աշխատությունները համարում է ոչ օբյեկտիվ:

Այսպիսով, բուրժուական պատմաբանների և տնտեսագետների աշխատությունների ուսումնասիրությունը ցույց է տալիս, որ այդ հեղինակների մեծ մասը չի բացահայտում իմպերիալիզմի դերը, ուստի և չի անդրադարձնում նրա դեմ մղած պայքարին: Դեռ ավելին. նրանք կանգնած են իմպերիալիզմի և մոնոպոլիստական միությունների շահերի պաշտպանության դիրքերում: Իսկ դա նշանակում է, որ նրանք փաստորեն դեմ են դուրս գալիս ազգային-ազա-

¹² "The Iraq Times", Baghdad, August 16, 1951.

¹³ G. Lenczowski, p. 219.

¹⁴ Նույն տեղում, p. 219.

տագրական շարժումներին, որովհետև, ինչպես նշեցինք, ազգային-ազատագրական պայքարն Իրաքում ուղղված էր առաջին հերթին օտարերկրյա իմպերիալիզմի դեմ և առաջագեմ ուժերը նրա տիրապետությունից ազատագրվելու մեջ էին տեսնում Իրաքի տնտեսական և քաղաքական վերածննդի նախապայմանը:

Ազգային-ազատագրական շարժման հարցերը քննարկելիս պատմագիտության առջև կանգնած կարևոր խնդիրներից է նրա շարժիչ ուժերի, ժողովրդական ղանգվածների դերի բացահայտման և նրանց պայքարի լուսաբանման խնդիրը: Այս վերին աստիճանի կարևոր հարցի նկատմամբ բուրժուական պատմաբաններն ունեն միտումնավոր և միանգամայն սխալ մոտեցում: Նրանցից ոմանք պաշտպանում են «սոցիալական վակուումի» տեսությունը և Իրաքում չեն տեսնում այնպիսի ուժեր, որոնք ընդունակ լինեին փոփոխություն մտցնել իրերի վիճակի մեջ: Վերևում արդեն նշված Դ. Ուորինները ուղղակի գրում է. «Ներկրում (Իրաքում—ն. Հ.) գոյություն չունի ոչ մի սոցիալական ու քաղաքական ուժ, որը կարողանար մարտահրավեր նետել շեյխների իշխանությունը»¹⁵: Սոցիալական և քաղաքական «վակուումի» տեսակետը պաշտպանում են նաև պրոֆ. Ռ. Էմերսոնը և ուրիշներ: Դժբախտաբար, այդ վնասակար և ոչ գիտական տեսակետը իր արտացոլումն է գտել նաև արաբական որոշ հեղինակների ուսումնասիրություններում: Այսպես, օրինակ, Ջաֆար Հայյաթին իր «Իրաքյան գյուղը» գրքում, վառ կերպով պատկերելով գյուղացիների տնտեսական ծանր վիճակը և համընդհանուր աղքատությունը, նշում է, թե Իրաքի հասարակարգում չկան այնպիսի ուժեր, որոնք կարողանային երկրում իրականացնել սոցիալական վերափոխումներ¹⁶:

Ինչի մասին է վկայում այս տեսակետը: Արդյո՞ք Իրաքում իսկապես տիրում էր սոցիալական կամ քաղաքական «վակուում» և չկային դասակարգային այնպիսի ուժեր, որոնք ի վիճակի էին երկիրն ազատել օտարերկրյա իմպերիալիզմի կապանքներից և տանել դեմոկրատիայի և առաջընթացի ուղիով: Իհարկե կային: Այդ ուժերն էին առաջին հերթին, բանվոր դասակարգը, որի տեսակարար կշիռն ու դերը ազգային-ազատագրական պայքարում մեծ չափով աճեց երկրորդ համաշխարհային պատերազմից հետո: Նա դարձավ այդ պայքարի ամենակատիվ և ամենավճռական ուժը: Երկրորդ, Իրաքի ազատագրական պայքարի ակտիվ մասնակիցն էր գյուղացիությունը, որը կազմում էր այդ պայքարի ամենամասնավոր ուժը: Գյուղացիության դերը, որը մինչև երկրորդ համաշխարհային պատերազմը համեմատաբար թույլ էր, ուժեղացավ հատկապես հետպատերազմյան շրջանում: Բանվոր դասակարգն ու գյուղացիությունը հանդիսանում էին Իրաքի ազգային-ազատագրական պայքարի հիմնական ուժերը: Այդ ուժերի բաղկացուցիչ մասն էին կազմում նաև առաջավոր մտավորականությունը, ուսանողությունը, վաճառականները, արհեստավորները, ինչպես նաև ազգային հակաիմպերիալիստական բուրժուազիան: Հենց այս ուժերն էին (ճիշտ է հետապնդելով տարբեր նպատակներ), որ մարտահրավեր էին նետել օտարերկրյա իմպերիալիզմի տիրապետությանն ու արքունիքի ու շեյխերի ծախուռ ռեժիմին: Բավական է նշել, որ միայն հետպատերազմյան շրջանում՝ 1948—1958 թթ. Իրաքում տեղի է ունեցել շորս:

¹⁵ Д. Уоринер..., стр. 257.

¹⁶ Дж. Хайят, Иракская деревня, М., 1953, стр. 55.

զինված ապստամբություն, որի ժամանակ տապալվել են իշխող կառավարությունները և շատ «ազգային ղեկավարներ» իրենց կյանքը փրկելու համար փախել են Իրաքի սահմաններից:

Այս փաստերն, անշուշտ, հայտնի են այդ պատմաբաններին: Սակայն, եթե դա այդպես է, ապա ի՞նչպես բացատրել այն հանգամանքը, որ նրանք ոչ մի սոցիալական ուժ չեն տեսնում, որն ի վիճակի լինի Իրաքում փոփոխություններ մտցնել և պաշտպանում են «վակուումի տեսությունը»: Դա պետք է բացատրել մի կողմից այն դերով, որ նրանք հատկացնում են իմպերիալիզմին և օտար կապիտալին, գտնելով, որ Իրաքի հետագա զարգացումը և բարգավաճումը կախված է միմիայն նրանցից, իսկ մյուս կողմից՝ ժողովրդական զանգվածների դերի, նրանց ուժի թերագնահատումով: Հենց մասսաների ուժին չհավատալով պետք է բացատրել նաև այն հանգամանքը, որ որոշ պատմաբաններ գտնում են, թե միայն բանակն է ժողովրդական ցանկությունների արտահայտիչը¹⁷: Բանակի դերի գերագնահատումը, իսկ երբեմն նաև ֆեոդալիզմը, հաճախ է հանդիպում բուրժուական զրականության մեջ: Հարկավ. միապետական Իրաքում, ինչպես նաև դիկտատորական կառուցվածք ունեցող երկրներում, բանակի դերն առանձնահատուկ է: Բայց չնայած այդ հանգամանքին, այդ երկրներում ևս վճռական ուժը շարունակում են մնալ աշխատավորական զանգվածները: Բանակը իբրեւ դերը կարող է խաղալ, եթե նա կապված է ժողովրդի հետ, և նրա շահերն է արտահայտում: Իսկ եթե նա ժողովրդից կտրված է և գործիք է հանդիսանում տիրող վերնախավի ձեռքին, ապա նա ոչ մի դեպքում չի կարող լինել ժողովրդական ձգտումների արտահայտիչը: Այդ մասին է վկայում հենց Իրաքի պատմությունը, որը բավական հարուստ է վիճակորական հեղաշրջումներով: Այդ հեղաշրջումների ժամանակ կառավարող այս կամ այն խումբը բանակն օգտագործում էր իր նպատակների համար ժողովրդի դեմ, այդ պատճառով էլ նա չի եղել և չէր կարող լինել այն ուժը, որի մասին խոսում են Ռ. էմերսոնը և մյուսները:

Իրաքի հետպատերազմյան շրջանի պատմությունը մի ավելորդ անգամ հաստատում է այն հանրահայտ ճշմարտությունը, որ երբեք հաշվից դուրս չի կարելի գցել ժողովրդական զանգվածներին՝ պատմություն կերտողին: Դրա լավագույն հաստատումը և միաժամանակ «վակուումի» տեսության հերքումն էր 1958 թ. հուլիսի 14-ի հեղափոխությունը, որն Իրաքում տապալեց միապետական կարգերը և երկիրն ազատեց իմպերիալիստական ճնշումից:

Եթե բուրժուական որոշ պատմաբաններ պաշտպանում են «սոցիալալիստական վակուումի» տեսությունը և չեն տեսնում ազգային-ազատագրական պայքարի իսկական ուժերին և իրենց աշխատություններում տեղ չեն հատկացնում այդ պայքարին, ապա մյուսները, անդրադառնալով այդ պայքարին, սխալ զինահատական են տալիս նրան, նվազեցնում են բանվոր դասակարգի դերը Իրաքի ազգային անկախության ու տնտեսական զարգացման համար մղվող պայքարում, իսկ դյուղացիությանն, ընդհանրապես, հաշվից դուրս են դրում: Այդ բանն առանձնապես դաշտուն կերպով դրսևորվում է Ս. Լոնգրիդի և Ֆ. Ստոքսի «Իրաք» դրքում: Վերահիշյալ հեղինակները հետպատերազմյան շրջանում Իրաքում ծավալված ազգային-ազատագրական պայքարը դիտում են ոչ թե որպես ժողովրդական լայն զանգվածների շարժում, այլ որպես խռովություն:

¹⁷ 86՝ R. Emerson..., p. 268.

Այսպես, օրինակ, խոսելով 1948 և 1952 թթ. զինված ապստամբությունների՝ Իրաքի հետպատերազմյան շրջանի ամենախոշոր ու ամենամասսայական ելույթների մասին, նրանք այդ ապստամբությունները համարում են ժողովրդական լայն բազայից զուրկ ելույթներ, պարզապես ուսանողական ցույցեր, որոնք, իբր, ընդդիմադիր պարտիաները և հատկապես կոմունիստները օգտագործում և վեր էին ածում հակակոսովարական խռովության¹⁸։

Ազգային-ազատագրական շարժումները որպես խռովություն ներկայացնելու ձգտումը բխում է նախ և առաջ իմպերիալիզմի տիրապետության և նրա շահերը պաշտպանելու ցանկությունից, այն գերից, որ նրանք հատկացնում են իմպերիալիզմին։ Այդ բանում կարելի է համոզվել 1930 թ. անգլո-իրաքյան պայմանագրի օրինակով։ Անգլո-իրաքյան պայմանագիրը Անգլիան փաթաթեց Իրաքի վրին 1930 թ. հունիսի 30-ին։ Իսկ մի անիրավահավասար պայմանագիր էր, որի օգնությամբ Անգլիան Իրաքին գցեց իրենից կախման մեջ։ Պայմանագրի համաձայն Անգլիան իրավունք էր ստանում Իրաքում պահել իր զորքերը, որոնք կարող էին Իրաքի տերիտորիայով ազատ տեղափոխվել։ Անգլիան Իրաքում ձեռք էր բերում երկու ռազմա-օդային բազա՝ Հաբբանիան և Շայբեն։ Իրաքի բանակը վարժեցնելու էին անգլիական հրահանգիչները։ Իրաքը պայմանավորվում էր արտաքին քաղաքականության բոլոր հարցերում «խորհրդակցել» և իր քայլերը «համաձայնեցնել» Անգլիայի հետ¹⁹։ Իրաքի ժողովրդը երբեք չհաշտվեց այդ պայմանագրի գոյության հետ՝ ավելի քան 25 տարի պայքարելով նրա վերացման համար։ Այդ պայքարն ուժեղացավ հատկապես երկրորդ համաշխարհային պատերազմից հետո։ Նվ պետք է նշել, որ Իրաքի բոլոր ընդդիմադիր ուժերը՝ ձախ թե աջ, պայմանագրի վերացման հարցում հանդես էին գալիս միասնականորեն։ Չնայած անգլո-իրաքյան պայմանագրի բացահայտ գաղութատիրական բնույթին, Ս. Լոնգրիգը և Ֆ. Ստոակսը ուղղակի գրում են, որ այդ պայմանագիրը «լրիվ անկախություն էր ապահովում Իրաքին»²⁰։ Սա ոչնչով չհիմնավորված, միտումնավոր գնահատական է, որով հեղինակները փաստորեն կեղծում են իրականությունը։ Օբյեկտիվորեն ստացվում է, որ Իրաքի ժողովրդական զանգվածների ավելի քան քսանհինգամյա պայքարն այդ պայմանագրի դեմ ոչ այլ ինչ է, եթե ոչ պայքար այդ անկախության դեմ, հակահայրենասիրական և հակաազգային ելույթ, խռովություն, որը, իհարկե, անհեթեթություն է։

Իմպերիալիզմի գիշատիչ բնույթի քողարկումը, նրա դերի անտեսումը և ազգային-ազատագրական շարժումները որպես դավադրություն կամ խռովություն ներկայացնելը ժամանակակից բուրժուական պատմագրության բնորոշ կողմերից մեկն է։

Իրաքի ազգային-ազատագրական պայքարի շարժիչ ուժի վերաբերյալ միանգամայն սխալ տեսակետ ունի անգլիական պատմաբան Կարակտուսը։ Նա պաշտպանում է այն թեզը, որ «հեղափոխություն կատարողները նրանք են, որոնց կյանքի մակարդակը բարձրանում է և ոչ թե նրանք, ում աղքատությունը լրիվ կերպով դեգրադացիայի է ենթարկում և ճնշում»²¹։ Նման բնորոշումից ստացվում է, որ ժողովրդական զանգվածները (որոնց կյանքի պայ-

¹⁸ S. Longrigg and F. Stoaks, Iraq, London, 1958, pp. 103, 105.

¹⁹ „Дипломатический словарь“, т. 1, М., 1960, стр. 86.

²⁰ S. Longrigg and F. Stoaks..., p. 89.

²¹ Caractus. Revolution in Iraq, London, 1959, p. 98.

մասններն իրաքում հետզհետե վատանում էին), չեն եղել հեղափոխություն կատարողները, այլ ունևոր խավերը, քանի որ հենց նրանց կյանքի մակարդակն էր մինչհեղափոխական իրաքում անընդհատ բարձրանում: Սա, իհարկե, անհեթեթություն է: Ընդհանրապես, Կարակտուսի մոտ դասակարգերի, իրաքի դասակարգային կառուցվածքի հարցում լրիվ խառնաշփոթություն է տիրում: Նրա տեսակետը ոչ մի քննադատության չի դիմանում և հակասում է ինչպես իրաքի, այնպես էլ մյուս երկրների ազգային-ազատագրական պայքարի փորձին:

Բուրժուական գրականության մեջ ճիշտ լուսաբանում չի գտել նաև 1958 թ. հուլիսի 14-ի հեղափոխությունը, որի հաղթանակով իրաքում ավարտվեց ազգային-ազատագրական պայքարի առաջին էտապը: Դա իրաքի ողջ ժողովրդի մեծ նվաճումն էր իմպերիալիստական ուժերի դեմ մղած պայքարում, պայքար, որն սկսվել էր դեռևս 1920 թվականից:

Բուրժուական հեղինակների մի մասի համար այդ հեղափոխությունը մեծ անակնկալ էր: Եվ դրանում զարմանալի ոչինչ չկա: Նրանց համար, ովքեր պաշտպանում էին «սոցիալական վակուումի» տեսությունը, ովքեր իրաքի քաղաքական և տնտեսական կյանքում փոփոխություններ մտցնելու ընդունակ ոչ մի ուժ չէին տեսնում, ովքեր չէին հավատում ժողովրդական զանգվածներին, նրանց համար այդ հեղափոխությունը պետք է որ մեծ անակնկալ լիներ:

Այդ տեսակետից հիշատակության արժանի է Զորջթաունի համալսարանի պրոֆեսոր Զ. Բ. Շարաբիի «Կառավարությունները և քաղաքականությունը միջին Արևելքում քսաներորդ դարում» աշխատությունը: Հեղինակն այստեղ կանգ է առնում իրաքի ներքին կացության և Անգլիայի դերի լուսաբանման հարցի վրա: Չի կարելի նրա հետ չհամաձայնվել, երբ նա նշում է, որ հաշիմիդների ռեժիմը դարձել էր լրիվ ռեակցիոն և ավտորիտար, որ հաշիմիդները և կառավարող կլիկը խզել էին ամեն մի կապ ժողովրդի հետ: Զ. Շարաբին մատնանշում է, որ երկրի ներսում տնտեսական կերպով տիրապետում էր ռեակցիան: Արգելված էր քաղաքական կուսակցությունների գործունեությունը, փակել էին առաջադիմական մամուլի բերանը, կոմունիզմի դեմ պայքարելու դիմակի տակ բանտերը լցրել էին բոլոր նրանցով, ում կասկածում էին օպոզիցիայի մեջ՝ ուղղված գոյություն ունեցող կարգերի դեմ: Դրա հետ միասին հեղինակը ցույց է տալիս, որ իրաքում ուժեղ էր անգլիական ազդեցությունը և որ Անգլիան շահագործում էր իրաքի ազգային հարստությունը՝ նավթը: Զ. Շարաբիի աշխատության մեջ կա մի ճշմարտացի դիտողություն ևս: Դա այն է, որ կառավարող կլիկը, գրում է հեղինակը, անընդունակ գտնվելով ռեֆորմներ կիրառելու և համբերատար լինելու քաղաքական ընդդիմադիր ուժերի նկատմամբ, իր տիրապետության ամրապնդումը տեսնում էր իրաքը անվերապահորեն արևմտյան լազերին և այդ լազերի ռեգիոնալ ռազմական խմբավորումներին միացնելու մեջ: Իվում է, թե այսպիսի ճիշտ դիտողություններից հետո հեղինակը ճիշտ կգնահատեր իրաքում տեղի ունեցած քաղաքական իրադարձությունները, այդ թվում նաև 1958 թ. հուլիսի 14-ի հեղափոխությունը: Սակայն այդպես չէ: Նա այնուամենայնիվ գտնում է, որ հուլիսի 14-ի հեղափոխությունը պետական հեղաշրջում էր և անակնկալ էր: «1958 թ. հուլիսի 14-ի պետական հեղաշրջումի հնարավորությունը», — գրում է Զ. Շարաբին, — բանակին ընձեռվեց, երբ Լիբանանի և Սիրիայի ճգնաժամի ժամանակ իրաքում զորքի տեղաշարժման հրաման

տրվեց և մի անհայտ սպա, բրիգադիր Աբդել Քերիմ Քասրմը... օգտագործեց իր զորքերը և կատարեց անակնկալ հեղաշրջում»²²։

Իսկ բուրժուական որոշ պատմաբաններ էլ այդ հեղափոխությունը չեն համարում ժողովրդական հեղափոխություն, այլ դիտում են, ինչպես, օրինակ, վերևում հիշատակված Ս. Լոնդրիզը և Ֆ. Ստոքսը, որպես ռազմական հեղաշրջում կամ զինված դավադրություն։ Դրանում նույնպես զարմանալի ոչինչ չկա։ Այդ հեղինակները, որոնք Իրաքի ազգային-ազատագրական պայքարի 40-ամյա պատմությունը դիտում են որպես խռովություն, չեն կարող հուլիսյան հեղափոխությունը նույնպես չհամարել դավադրություն և կամ խռովություն։

Հուլիսյան հեղափոխությանը նվիրված բուրժուական պատմական գրականության ուսումնասիրությունը ցույց է տալիս, որ որոշ հեղինակներ այդ հեղափոխության ծագման համար չեն ուզում տեսնել որևէ սոցիալ-տնտեսական պատճառ։ Այդ տեսակետն առավել յայտուն կերպով է դրսևորվել անգլիական պատմաբան Ջ. Մաուլոուի «Արաբական նացիոնալիզմը և բրիտանական իմպերիալիզմը» աշխատության մեջ։ Հեղինակն այն կարծիքին է, որ 1958 թ. Հուլիսյան հեղափոխությունը, որն ի դեպ, նա նույնպես համարում է պետական հեղաշրջում, պայմանավորված չէր Իրաքի ներքին զարգացմամբ, որ այն արդյունք էր արտաքին ուժերի ներգործության՝ Աբդել Նասերի ինտրիգաների։ «Պետական հեղաշրջման պատճառները,—գրում է Ջ. Մաուլոուն,—դեռևս անհայտ են։ Հավանական է, որ պայքարի մեջ ներգրավված սպաներից շատերը, եթե ոչ մեծ մասը, կապի մեջ էին Աբդել Նասերի հետ»²³։ Ջ. Մաուլոուն այս «տեսակետը» ոչ մի կերպ չի համապատասխանում պատմական իրողությանը։ Իրաքյան հեղափոխությունը առանձին անհատի գործունեության արդյունք չէր, այն նախապատրաստվել էր Իրաքի տնտեսական ու քաղաքական զարգացմամբ, իմպերիալիզմի լուծը թոթափելու, երկրի տնտեսական հետամնացությունը հաղթահարելու և բարեփոխումներ մտցնելու, աշխատավորներին նյութական պայմանները բարելավելու և երկրում դեմոկրատական ազատություններ հաստատելու անհրաժեշտությունից։ Այս բոլորը միասին ծնեցին 1958 թ. հուլիսի 14-ի հեղափոխությունը, որն իր բնույթով հակաիմպերիալական, հակաֆեոդալական և բուրժուա-դեմոկրատական էր։

Այսպիսով, Իրաքի հետպատերազմյան շրջանի պատմությունը նվիրված բուրժուական հեղինակների աշխատությունների քննությունը ցույց է տալիս, որ նրանց մեծ մասը ճիշտ չի ըմբռնում և զնահատում ազգային-ազատագրական պայքարը Իրաքում։ Նրանք անտեսում կամ չեն ցանկաճում տեսնել այն ուղիները, որոնք կարող են հասցնել Իրաքի քաղաքական լրիվ անկախությանը և տնտեսական բարգավաճմանը։ Իսկ այդ հեղինակների մի մասը բացահայտորեն հանդես է գալիս օտարերկրյա իմպերիալիզմի շահերի պաշտպանության դերում, կեղծում և խեղաթյուրում է սոցիալական փաստերը, կարևոր իրադարձությունների իմաստն ու նշանակությունը։

²² Sharabi H. B. Governments and Politics of the Middle East in the Twentieth Century, New York, 1962, p. 160.

²³ J. Marlow, Arab Nationalism and British Imperialism, London, 1961, p. 173.

Այդ աշխատությունների ուսումնասիրությունը կրկին համոզում է, որ ժամանակակից բուրժուական պատմագրությունը խճողվել է բուրժուազիայի սոցիալական պատվերը կատարելու և նրա շահերի պաշտպանության բավիղներում և անընդունակ է ճիշտ պատասխան տալու ժամանակի հուզող հարցերին: